

宋

書

百衲本二十四史

宋書

四部叢刊史部

上海涵芬樓借北平圖
書館吳興劉氏嘉業堂
藏宋蜀大字本景印闕
卷以涵芬樓藏元明遞
修本補配原書板高二
十三公分寬十九公分

宋書目錄

凡一百卷

本紀十卷

志三十卷

傳六十卷

紀第一

宋書一

武帝上

紀第二

宋書二

武帝中

紀第三

武帝下

宋書三

紀第四

宋書四

少帝

紀第五

宋書五

文帝

紀第六

宋書六

孝武帝

紀第七

宋書七

前廢帝

紀第八

宋書八

明帝

紀第九

宋書九

後廢帝

紀第十

宋書十

順帝

志第一

宋書十一

志序

長

名書目

七

志第二

宋書十二

曆上

志第三

宋書十三

曆下

志第四

宋書十四

禮一

志第五

宋書十五

禮二

志第六

宋書十六

禮三

志第七

宋書十七

禮四

志第八

宋書十八

禮五

志第九

宋書十九

樂一

志第十

宋書二十

樂二

志第十一

宋書三十

樂三

志第十二

宋書三十二

樂四

志第十三

宋書三十三

天文一

志第十四

宋書二十四

天文二

志第十五

宋書二十五

天文三

志第十六

天文四

志第十七

宋書二十七

符瑞上

志第十八

宋書二十八

符瑞中

志第十九

宋書二十九

符瑞下

志第二十

宋書三十

五行一

志第二十一

宋書三十一

五行二

志第二十二

宋書三十二

五行三

志第二十三

宋書三十三

五行四

志第二十四

宋書三十四

五行五

志第二十五

宋書三十五

州郡一

揚州

南徐州

南兗州

兗州

志第二十六

宋書三十六

州郡二

南豫州

豫州

江州

青州

志第二十七

冀州

司州

宋書三十七

州郡三

荊州

郢州

湘州

雍州

梁州

秦州

志第二十八

宋書三十八

州郡四

益州

寧州

廣州

交州

越州

志第二十九

宋書三十九

百官上

志第三十

宋書四十

百官下

傳第一

宋書四十一

后妃

孝穆趙皇后 孝懿蕭皇后

武敬臧皇后

武張夫人

少帝司馬皇后

文元袁皇后

文路淑媛

孝武文穆王皇后

潘淑妃
宣貴妃

前廢帝荷皇后

文沈婕妤

明恭王皇后

後廢帝晉皇后

順陳太妃

順謝皇后

傳第二

劉穆之

王弘

宋書四十二

傳第三

宋書四十三

徐羨之

傅亮

檀道濟

傳第四

宋書四十四

謝晦

傳第五

宋書四十五

王鎮惡

檀韶

向靖

劉懷慎

劉粹

傳第六

宋書四十六

趙倫之

到彥之

闕

王懿

張劭

傳第七

宋書四十七

劉懷肅

孟懷玉

弟龍友

劉敬宣

檀祗

傳第八

宋書四十八

朱齡石

弟超石

毛脩之

傅弘之

傳第九

宋書四十九

孫處

蒯恩

劉鍾

虞丘進

傳第十

宋書五十

胡藩

劉康祖

垣護之

張興世

傳第十一

宋書五十一

宗室

長沙景道憲
臨川烈武王道規

鮑照

營浦侯遵考 從子季連

傳第十二

宋書五十二

庾悅

王誕

謝景仁

弟述

袁湛

弟豹

褚叔度

傳第十三

宋書五十三

張茂度

子永

庾登之

弟炳之

謝方明

江夷

傳第十四

宋書五四

孔季恭 羊玄保

沈曇慶

傳第十五

宋書五十五

臧燾

徐廣

傳隆

傳第十六

宋書五十六

謝瞻

孔琳之

傳第十七

宋書五十七

蔡廓

子興宗

傳第十八

宋書五十八

王惠

謝弘微

傳第十九

宋書五十九

殷淳

子孚

弟沖

張暘

何偃

江智淵

傳第二十

宋書六十

范泰

王准之

王韶之

荀伯子

傳第二十一

宋書六十一

武三王

廬陵孝獻王義真

江夏文獻王義恭

衡陽文王義季

傳第二十二

宋書六十二

羊欣

張敷

王微

傳第二十三

宋書六十三

王華

王曇首

殷景仁

沈演之

傳第二十四

宋書六十四

鄭鮮之

裴松之

何承天

傳第二十五

宋書六十五

吉翰

劉道產

杜驥

申恬

傳第二十六

宋書六十六

王敬弘

何尚之

傳第二十七

宋書六十七

謝靈運

傳第二十八

宋書六十八

武二王

彭城王義康 南郡王義宣

傳第二十九

宋書六十九

劉湛

范昇

傳第三十

宋書七十

宋書
卷十一
袁淑

傳第三十一

宋書十一

徐湛之

江湛

王僧綽

傳第三十二

宋書十二

文九王

南平穆王鑠

建平宣簡王宏

晉熙王昶

始安王休仁

晉平刺史祐

鄱陽哀王休業

臨慶冲王休倩 新野懷王夷父

巴陵袁王休若

傳第三十三

宋書七十三

顏延之

傳第三十四

宋書七十四

臧質

魯爽

沈攸之

傳第三十五

宋書七十五

王僧達

顏竣

傳第三十六

宋書七十六

朱脩之

宗慤

王玄謨

傳第三十七

宋書七十七

柳元景

顏師伯

沈慶之

傳第三十八

宋書七十八

蕭思話

劉延孫

傳第三十九

宋書七十九

文五王

竟陵王誕

廬江王暉

武昌王渾

海陵王休茂

桂陽王休範

傳第四十

宋書八十

孝武十四王

豫章王子尚

晉安王子勛

松滋侯子房

臨海王子頊

始平孝敬王子鸞

永嘉王子仁

始安王子真 邵陵王子元

淮南王子孟 晉陵孝王子雲

南海哀王子師 淮陽思王子霄

東平王子嗣 武陵王贊

傳第四十

宋書八十一

劉秀之 顧琛

顧覲之

傳第四十二

宋書八十二

周朗

沈懷文

傳第四十三

宋書八十三

宗越

吳喜

黃回

傳第四十四

宋書八十四

鄧琬

袁顥

傳第四十五

宋書八十五

孔顥

王景文

傳第四十六

宋書八十六

殷孝祖

劉勔

傳第四十七

宋書八十七

蕭惠開

殷琰

傳第四十八

宋書八十八

薛安都

沈文秀

崔道固

宋書八十九

袁粲

傳第五十

宋書九十

明四王

邵陵殤王友

隨陽王覩

新興王嵩

始建王禧

傳第五十一

宋書九十一

孝義

龔穎

劉瑜

郭世道

嚴肅期

吳達

潘綜

孫法宗

蔣恭

張進之

許昭先

余齊民

孫棘

何子平

傳第五十三

宋書九十二

良吏

王鎮之

杜慧度

徐豁

陵徽

阮長之

江秉之

王歆之

傳第五十三

宋書九十三

隱逸

戴顥

宗炳

周續之

王弘之

阮萬齡

孔淳之

劉凝之

龔祈

翟法賜

陶潛

宗或之

沈道虔

郭希林

雷次宗

朱百季

王素

劉睦之

關康之

傳第五十四

宋書九十四

恩倖

戴法興

戴明寶

徐爰

阮佃夫

于天寶

壽寂之

姜產之

李道兒

王道隆

楊運長

傳第五十五

宋書九十五

索虜

傳第五十六

宋書九十六

鮮卑

吐谷渾

傳第五十七

宋書九十七

夷蠻

南夷

扶南國

西南夷

呵羅單國

婆皇國

婆達國

闍婆達國

師子國

天竺迦毗黎國 東夷高句驪國

百濟國

倭國

荆睢州蠻

豫州蠻

傳第五十八

宋書九十八

氐胡

胡大且渠蒙遜張掖

傳第五十九

宋書九十九

二凶

元凶劭

始興王濬

傳第六十

宋書一百

自序

宋書目錄

十八

本紀第一

宋書一

宋書一

臣沈



武帝上

高祖武皇帝諱裕字德輿小名寄奴彭城縣綏
里人漢高帝弟楚元王交之後也交生紅懿侯
富富生宗正辟彊辟彊生陽城繆侯德德生陽
城節侯安民安民生陽城釐侯慶忌慶忌生陽
城肅侯岑岑生宗正平平生東武城令某某生
東萊太守景景生明經洽洽生博士弘弘生卿

邪都尉悝悝生魏定襄太守某某生邪城令亮
亮生晉北平太守膺膺生相國掾熙熙生開封
令旭孫旭孫生混始過江居晉陵郡丹徒縣之
京口里官至武原令混生東安太守靖靖生郡
功曹翹是爲皇考高祖以晉哀帝興寧元帝歲
次癸亥三月壬寅夜生及長身長七尺六寸風
骨竒特家貧有大志不治廉隅事繼母以孝謹
稱初爲冠軍孫無終司馬安帝隆安三年十一
月妖賊孫恩作亂於會稽晉朝衛將軍

謝琰前將軍劉牢之東討牢之請高祖參府軍事十二月牢之至吳而賊緣道屯結牢之命高祖與數十人覘賊遠近會遇賊至衆數千人高祖便進與戰所將人多死而戰意方厲手奮長刀所殺傷甚衆牢之子劭宣疑高祖淹久恐爲賊所困乃輕騎尋之旣而衆騎竝至賊乃奔退斬獲千餘人推鋒而進平山陰恩遁還入海四年五月恩復入會稽殺衛將軍謝琰十一月劉牢之復率衆東征恩退走牢之屯上虞使高祖戍

句章城句章城旣卑小戰士不盈數百高祖常被堅執銳爲士卒先每戰輒摧鋒陷陣賊乃退還浹口于時東伐諸帥御軍無律士卒暴掠甚爲百姓所苦唯高祖法令明整所至莫不親賴焉五年春孫恩頻攻句章高祖屢摧破之恩復走入海三月恩北出海鹽高祖追而翼之築城于海鹽故治賊日來攻城城內兵力甚弱高祖乃選敢死之士數百人咸脫甲冑執短兵竝鼓噪而出賊震懼奪氣因其懼而奔之竝棄

甲散走斬其大帥姚盛雖連戰剋勝然衆寡不敵高祖獨深慮之一夜偃旗匿衆若已遁者明晨開門使羸疾數人登城賊遙問劉諱所在曰夜已走矣賊信之乃率衆大上高祖乘其懈急奮擊大破之恩知城不可下乃進向滻瀆高祖復棄城追之海鹽令鮑陋遣子嗣之以吳兵一千請爲前驅高祖曰賊兵甚精昊天不習戰若前驅失利必敗我軍可在後爲聲援不從是夜高祖多設伏兵兼置旗鼓然一處不過數人明日

賊率衆萬餘迎戰前驅既交諸伏皆出舉旗鳴鼓賊謂四面有軍乃退嗣之追奔爲賊所沒高祖且戰且退賊盛所領死傷且盡高祖慮不免至尚伏兵處乃止令左右脫取死人衣賊謂當走反停疑猶有伏高祖因呼更戰氣色甚猛賊衆以爲然乃引軍去高祖徐歸然後散兵稍集五月孫恩破滬瀆殺吳國內史袁山松死者四千人是月高祖復破賊於婁縣六月恩乘勝浮海奄至丹徒戰士十餘萬劉牢之猶屯山陰京

邑震動高祖倍道兼行與賊俱至于時衆力既
寡加以步遠疲勞而丹徒守軍莫有鬪志恩率
衆數萬鼓噪登蒜山居民皆荷擔而立高祖
率所領奔擊大破之投嶽赴水死者甚衆恩以
鼓排音敗自載僅得還船雖被摧破猶恃其衆力徑尚
京師樓船高大值風不得進旬日乃至白石尋
知劉牢之已還朝廷有備遂走向鬱洲八月以
高祖爲建武將軍下邳太守領水軍追罰至鬱
洲復大破恩恩南走十一月高祖追恩於滻瀆

及海鹽又破之三戰竝大獲俘馘以萬數恩自是饑饉疾疫死者太半自浹口奔臨海元興元年正月驃騎將軍司馬元顯西伐荊州刺史桓玄亦率荆楚大衆下討元顯遣鎮北將軍劉牢之拒之高祖參其軍事次溧洲玄至高祖請擊之不許將遣子敬宣詣玄請和高祖與牢之甥東海何無忌竝固請不從遂遣敬宣詣玄玄剋京邑殺元顯以牢之爲會稽內史懼而告高祖曰便奪我兵禍其至矣今當北就高

雅於廣陵舉事卿能從我去乎荅曰將軍以勁
卒數萬望風降服彼新得志威震天下三軍人
情都已去矣廣陵豈可得至邪諱當反服
還京口耳牢之叛走自縊死何無忌謂高祖曰
我將何之高祖曰鎮北去必不免卿可隨我還
京口相玄必能守節北面我當與卿事之不然
與卿圖之今方是玄矯情任筭之日必將用我
輩也桓玄從兄脩以撫軍鎮丹徒以高祖爲中
兵參軍軍郡如故孫恩自奔敗之後徒旅漸散

懼生見獲乃於臨海投水死餘衆推恩妹夫盧循爲主桓玄欲且緝寧東土以循爲永嘉太守循雖受命而寇暴不已五月玄復遣高祖東征時循自臨海入東陽二年正月玄復遣高祖破循於東陽循奔永嘉復追破之斬其大帥張士道追討至于晉安循浮海南走六月加高祖彭城內史桓玄爲楚王將謀篡盜玄從兄衛將軍謙屏人問高祖曰楚王勲德隆重四海歸懷朝廷之情咸謂宜有揖讓卿意以爲

何如高祖旣志欲圖玄乃遜辭荅曰楚王宣
武之子勲德蓋世晉室微弱民望久移乘運
禪代有何不可謙喜曰卿謂可爾便當是真
可爾十二月相玄篡帝位遷天子於尋陽相
脩入朝高祖從至京邑玄見高祖謂司徒王謐
曰昨見劉諱風骨不恒蓋人傑也每遊集輒引
接慤慤贈賜甚厚高祖愈惡之或說玄曰劉諱
龍行虎步視瞻不凡恐不爲人下宜蚤爲其所
玄曰我方欲平蕩中原非劉諱莫可付以大事

開隴平定然後當別議之耳玄乃下詔曰劉諱
以寡制衆屢摧妖鋒汎海窮追十殄其八諸將
力戰多被重創自元帥以下至于將士竝空論
賞以叙勲烈先是高祖東征盧循何無忌隨至
山陰勸於會稽舉義高祖以爲玄未據極位且
會稽遙遠事濟爲難俟其篡逆事著徐於
京口圖之不憂不剋至是相脩還京高祖託以
金創疾動不堪步從乃與無忌同船共還建興
復之計於是與弟道規沛郡劉毅平昌孟昶

任城魏詠之高平檀憑之琅邪諸葛長民太原
王元德隴西平扈興東莞童厚之竝同義謀時
桓脩弟弘爲征虜將軍青州刺史鎮廣陵道
規爲弘中兵參軍昶爲州主簿乃令毅潛往就
昶聚徒於江北謀起兵殺弘長民爲豫州刺史
刁達左軍府參軍謀據歷陽相應元德厚之
謀於京邑聚衆攻玄竝剋期齊發三年二月
己丑朔乙卯高祖託以遊獵與無忌等收集義
徒凡同謀何無忌魏詠之弟欣之順之檀憑之

憑之從子韶弟祗隆與叔道濟道濟從兄範之
高祖弟道憐劉毅毅從弟藩孟昶族弟懷
王河內向彌管義之陳留周安穆臨淮劉蔚從
弟珪之東莞臧喜從弟寶符從子穆生童茂
宗陳郡周道民漁陽田演譙國范清等二十七人
願從者百餘人丙辰詰旦城開無忌服傳詔服
稱詔居前義衆馳入齊聲大呼吏士驚散莫
敢動即斬脩以徇高祖哭甚慟厚加殯斂孟昶
勸引其日出獵未明開門出獵人昶道規毅等

率壯士五六十人因開門直入弘方歟粥即斬之因收衆濟江義軍初剋京城脩司馬刀弘率文武佐吏來赴高祖登城謂之曰郭江州已奉乘輿反正於尋陽我等竝被密詔誅除逆黨同會今日賊玄之首已當梟於大航矣諸君非大晉之臣乎今來欲何爲弘等信之收衆而退毅既至高祖命誅弘毅兄邁先在京師事未發數日高祖遣同謀周安穆報之使爲內應邁外雖酬許內甚震懼安穆見其惶駭慮事必

泄乃馳歸時玄以邁爲貢陵太守邁不知所爲
便下船欲之郡是夜玄與邁書曰北府人情云
何卿近見劉諱何所道邁謂玄已知其謀晨起
白之玄驚懼封邁爲重安侯旣而廉邁不執安
穆使得逃去乃殺之誅元德扈興厚之等召桓
謙卞範之等謀拒高祖謙等曰亟遣兵擊之玄
曰不然彼兵速銳計出萬死若行遣水軍不足
相抗如有蹉跌則彼氣成而吾事敗矣不如
屯大衆於覆舟山以待之彼空行二百里無所

措手銳氣已挫既至忽見大軍必驚懼駭愕我
案兵堅陣勿與交鋒彼求戰不得自然散走此
計之上也謙等固請乃遣頓丘太守吳甫之右
衛將軍皇甫敷北拒義軍玄自聞軍起憂懼
無復爲計或曰劉諱等衆力甚弱豈辦之有
成陛下何慮之甚玄曰劉諱足爲一世之雄劉
毅家無檐石之儲擣蒲一擲百萬何無忌劉
牢之甥酷似其舅共舉大事何謂無成衆推高
祖爲盟主移檄京邑曰夫治亂相因理不常泰

校焉肆虐或值聖明自我大晉陽九屢構隆安
以來難結皇室忠臣碎於虎口貞良弊於豺狼
逆臣桓玄陵虐人鬼阻兵荆郢肆暴都邑天未
云難凶力繁興踰年之間遂傾皇祚主上播越
流幸非所神器沉淪七廟毀墜夏后之罹浞
蕕有漢之遭莽卓方之於玄末足爲喻自玄篡
逆于今歷年亢旱彌時民無生氣加以士庶疲
於轉輸文武困於造築父子乖離室家分散豈
唯大東有杼軸之悲標梅有傾筐之堅而已哉

仰觀天文俯察人事此而能久孰有可亡凡在
有心誰不扼腕諱等所以叩心泣血不遑啓處
者也是故夕寐宵興援獎忠烈灘構崎嶇險過
履虎輔國將軍劉毅廣武將軍何無忌鎮北主
簿孟昶兗州主簿魏詠之寧遠將軍劉道規龍
驥將軍劉藩振威將軍檀憑之等忠烈斷金精
貫白日荷戈奮杖志在畢命益州刺史毛璩萬
里齊契掃定荆楚江州刺史郭昶之奉迎主上
宮于尋陽鎮北參軍王元德等竝率部曲保據

石頭揚武將軍諸葛長民收集義士已據歷陽
征虜參軍庾疇之等潛相連結以爲內應同力
協規所在蜂起即日斬僞徐州刺史安城王脩
青州刺史弘首義衆旣集文武爭先咸謂不
有一統則事無以輯諱辭不獲已遂揔軍要庶
上憑祖宗之靈下罄義夫之力剪馘逋逆蕩清
京輦公侯諸君或世樹忠貞或身荷爵寵而竝
俛眉猾堅自効莫由顧瞻周道寧不弔乎今日
之舉良其會也諱以虛薄才非古人勢接於已

踐之機受任於旣穢之運丹誠未嘗感慨憤躍
望霄漢以永懷眄山川以增厲授檄之日神馳
賊廷以孟昶爲長史摠攝後事檀憑之爲司馬
百姓願從者千餘人三月戊午朔遇吳甫之於
江乘甫之玄驍將也其兵甚銳高祖躬執長刀
大呼以衝之衆皆披靡即斬甫之進至羅落橋
皇甫敷率數千人逆戰寧遠將軍檀憑之與
高祖各御一隊憑之戰敗見殺其衆退散高祖
進戰彌厲前後奮擊應時摧破即斬敷首初

高祖與荷無忘等共建大謀有善相者相高祖及無忘等竝當大貴其應甚近惟玄憑之無相高祖與無忘密相謂曰吾等既爲同舟理無偏異吾徒咸皆富貴則擅不應獨殊深不解相者之言至是而憑之戰死高祖知其事必捷玄聞數等竝沒愈懼使桓謙屯東陵口卡範之屯覆舟山西衆合二萬已未旦義軍食畢棄其餘糧進至覆舟山東使丐士張旗幟於山上以爲疑兵玄又遣武騎將軍庾禕之配以精卒利器

助謙等高祖躬先士卒以垂之將士皆殊死戰
無不一當百呼聲動天地時東北風急因命縱
火煙燭張天鼓噪之音震京邑謙等諸軍一時
土崩玄始雖遣軍置陣而走意已決別使領軍
將軍殷仲文具舟於石頭仍將子姪浮江南走
庚申高祖鎮石頭城立留臺官焚桓溫神主
於宣陽門外造晉新主立于太廟遣諸將帥
追玄尚書王假率百官奉迎乘輿司徒王謐
與衆議推高祖領揚州固辭乃以謐爲錄尚書

事領揚州刺史於是推高祖爲使持節都督
揚徐兗豫青冀幽并入州諸軍事領軍將軍
徐州刺史先是朝廷承晉氏亂政百司縱弛相
玄雖欲釐整而衆莫從之高祖以身範物先以
威禁內外百官皆肅然奉職三日間風俗頓
改且桓玄雖以雄豪見推而一朝便有極位晉
氏四方牧守及在朝大臣盡心伏事臣主之分
定矣高祖位微於朝衆無一旅奮臂草萊之
中倡大義以復皇祚由是王謐等諸人時衆民

望莫不愧而憚焉諸葛長民失期不得發勞達執送之未至而玄敗玄經尋陽江州刺史郭昶之備乘輿法物資之玄收略得二千餘人挾天子走江陵冠軍將軍劉毅輔國將軍何無忌振武將軍劉道規率諸軍追討尚書左僕射王愉愉子荊州刺史綏等江左冠族綏少有重名以高祖起自布衣甚相凌忽綏桓氏甥亦有自疑之志高祖悉誅之四月奉武陵王遵爲大將軍承制大赦天下唯桓玄一祖後不在赦例初

高祖家貧嘗負刀達社錢三萬經時無以還
達執錄甚嚴王謐造達見之密以錢代還是
得釋高祖名微位薄盛流皆不與相知唯謐交
焉桓玄將篡謐手解安帝璽綬爲玄佐命功
臣及義旗建衆並謂謐宜誅唯高祖保持之劉
毅嘗因朝會問謐璽綬所在謐益懼及王愉
父子誅謐從弟諶謂謐曰王駒無罪而義旗誅
之此是剪除勝已以絕民望兄旣桓氏黨黑附名
位如此欲求免得乎駒愉小字也謐懼奔于曲

阿高祖戩白大將軍深相保謐迎還復位光祿
勲丁承之左衛將軍褚粲游擊將軍司馬秀
役使官人爲御史中丞王禎之所糾察謝牋言
辭怨憤承之造司宜藏高祖與大將軍戩白粲
等備位大臣所懷必盡執憲不允自應據理陳
訴而橫興怨忿歸各有司宜加裁當以清風軌
並免官桓玄兒子韶聚衆向歷陽高祖命輔
國將軍諸葛長民擊走之無忌道規破玄大
將鄭鈴等于桑落洲衆軍進據尋陽加高祖

都督江州諸軍事玄旣還荆郢大聚丘衆召水
軍造樓船器械率衆二萬挾天子發江陵浮
江東下與冠軍將軍劉毅等相遇於崢嶸洲衆
薦下擊大破之玄棄衆復挾天子還復江陵玄
黨殷仲文奉晉二皇后還京師玄至江陵因西
走南郡太守王騰之荊州別駕王康產奉天子
入南郡府初征虜將軍益州刺史毛璩遣從孫
祐之與參軍費括送弟喪下有衆二百璩弟
子循之時爲玄屯騎校尉誘玄以入蜀至枚回洲

括與祐之迎射之益州督護馮遷斬玄首傳京
師又斬玄子昇於江陵市初玄敗於崕嶼洲義
軍以爲大事已定追蹕不速玄死幾一旬衆軍
猶不至玄從子振逃於華容之浦中招聚逆黨
數千人晨襲江陵城居民競出赴之騰之康產皆被
殺相謙先匿於沮川亦聚衆以應振爲玄舉哀
立喪廷謙率衆官奉璽綬于安帝無忌道規
既至江陵與相振戰于靈溪玄黨馮該又設伏
于楊林義軍奔敗退還尋陽兗州刺史辛禹懷

貳會北青州刺史劉該反禹求征該次淮陰又
反禹長史羊穆之斬禹傳首京師十月高祖領
青州刺史甲仗百人入殿劉毅諸軍復進至夏
口毅攻魯城道規攻偃月壘皆拔之十二月諸
軍進平巴陵義熙元年正月毅等至江津破相
謙相振江陵平天子反正三月天子至自江陵
詔曰古稱大者天地其次君臣所以列貫三辰
神人代序諒理本於造昧而運周於萬葉故盈
否時襲四靈通其變王道或昧貞賢拯其危

天命所以永固人心所以攸穆雖夏周中傾賴
靡申之績恭倫載竊寔是二代是維或乘資藉號
或業隆異世猶詩書以之休詠記策用爲美談
未有因心撫民而誠發理應援神器於已淪若
在今之盛者也朕以寡昧遭家不造越自遘閼
屬當屯極逆臣相立乘疊縱慝窮凶恣虐滔天猾
夏遂誣罔人神肆其篡亂祖宗之基既湮七廟之
饗胥殄若墜淵谷未足斯譬言皇度有晉天縱英
哲使持節都督楊徐充豫豫冀幽并江九州諸

軍事鎮軍將軍徐青二州刺史忠誠天亮神武
命世用能貞明協契義夫響臻故順聲一唱二
溟卷波英風振路宸居清殿羽旛冠軍將軍毅
輔國將軍無忘振武將軍道規舟旗遄邁而元
凶傳首回戈疊揮則荆漢霧廓俾宣元之祚永
固於嵩岱傾基重造再集於朕躬宗廟歆七百
之祐皇基融載新之命念功惟德永言銘懷固
已道冠開闢獨絕終古書契以來未之前聞矣
雖則功高靡尚理至難文而崇庸命德哲王攸

先者將以弘道制治深闢盛衰故伊望膺殊命
之錫相文饗備物之禮況宏徵不世領邈百代
者宜極名器之隆以光大國之盛而領軍謙虛
自衷誠旨屢顯朕重逆仲父乃所以愈彰德美
也鎮軍可進位侍中車騎將軍都督中外諸軍
事使持節徐青二州刺史如故顯祚大邦啓茲
疆宇高祖固讓加錄尚書事又不受屢請歸藩
天子不許遣百僚敦勸又親幸公第高祖惶懼
詣闕陳請天子不能奪是月旋鎮丹徒天子重

遣大使敦勸又不受乃改授都督荆司梁益寧
雍涼七州并前十六州諸軍事本官如故於是
受命解青州加領兗州刺史盧循浮海破廣州
獲刺史奚隱之即以循爲廣州刺史以其同黨徐
道覆爲始興相二年三月督交廣二州十月高
祖上言曰昔天禍皇室巨校縱篡臣等義惟舊
隸豫蒙國恩仰契信順之符俯厲人臣之憤雖
社稷之靈抑亦事由衆濟其翼獎忠勲之佐文
武畢力之士敷軌在己之謙用虧國體之大輒

攝衆軍先上同謀起義始平京口廣陵二城
臣及撫軍將軍毅等二百七十二人并後赴義
出都緣道大戰所餘一千五百六十六人又輔
國將軍長民故給事中王元德等十人合一千
八百四十八人乞正封賞其西征衆軍須論集
續上於是尚書奏封唱義謀主鎮軍將軍諱豫
章郡公食邑萬戶賜綃三萬匹其餘封賞各有
差鎮軍府佐吏降故太傅謝安府一等十一月
天子重申前令加高祖侍中進號車騎將軍開

府儀同三司固讓詔遣百僚敦勸三年二月高祖還京師將詣廷尉天子先詔獄官不得受詣
闕陳讓乃見聽旋于丹徒閏月府將駱冰謀作
亂將被執單騎走追斬之誅冰父永嘉太守球
球本東陽郡史孫恩之亂起義於長山故見擢
用初桓玄之敗以相冲忠貞署其孫肖至是冰
謀以肖爲主與東陽太守殷仲文潛相連結乃
誅仲文及仲文二弟凡桓玄餘黨至是皆誅夷
天子遣兼太常葛籍授公策曰有扈滔天夷

羿乘豐亂節千紀實燒皇極賊臣桓玄怙寵
肆逆乃摧傾華霍倒拔嵩岱五嶽旣夷六地
易所公命此英縱藏器待時因心資敬誓壘國
恥慨憤陵夷誠發宵寐旣而歲月屢遷神器
已遠忠孝幽寄寔貫三靈爾乃介石勝機宣
契畢舉訴蒼天以爲正揮義旅而一驅奔鋒數
百勢列激電百萬不能抗限制路日直植城遂
使衝鯨潰流暴鱗江漢廟勝遠加重氣載滌二
儀廓清三光反照爭遂永代功高開闢理微稱

謂義感朕心若夫道爲身濟猶靡厥爵況乃誠
德俱深勲冠天人者乎是用建茲邦國永祚山
河言念載懷匪云足報往欽哉俾屏余一人長
弼皇晉流風垂祚曠烈無窮其降承嘉策對
敷朕命十二月司徒錄尚書揚州刺史王謐薨
四年正月徵公入輔授侍中車騎將軍開府儀
同三司揚州刺史錄尚書徐充州刺史如故表
解兗州先是遣冠軍劉敬宣伐蜀賊誰縱無功而
返九月以敬宣挫退遜位不許乃降爲中軍將

軍開府如故初僞戀王鮮卑慕容德僭號於青州
德死兄子超襲位前後屢爲邊患五年二月
大掠淮北執陽平太守劉干載濟南太守趙元
驅略千餘家三月公抗表北討以丹陽尹孟昶
監中軍留府事四月舟師發京都泝淮入泗五
月至下邳留船艦輶重步軍進琅邪所過皆
築城留守鮮卑梁父莒城二戍並奔走慕容
超聞王師將至其大將公孫五樓說超
宜斷據大峴刈除粟苗堅壁清野以待之

彼僑軍無資求戰不得旬月之間折棰以笞之
耳超不從曰彼遠來疲勞勢不能久但當引令
過峴我以鐵騎踐之不憂不破也豈有預芟苗
稼先自蹶弱邪初公將行議者以爲賊聞大軍
遠出必不敢戰若不斷大峴當堅守廣固刈粟
清野以絕三軍之資非唯難以有功將不能自
反公曰我揣之熟矣鮮卑貪不及遠計進利刺
獲退惜粟苗謂我孤軍遠入不能持久不過
進據臨朐退守廣固我一得入峴則人無退心

驅必死之衆向懷貳之虜何憂不剋彼不能清
野固守爲諸君保之公旣入峴舉手指天曰吾
事濟矣六月慕容超遣五樓及廣寧主賀賴盧亮
據臨朐城旣聞大軍至留羸老守廣固乃悉出
臨朐有巨蔑水去城四十里超告五樓曰急往
據之晉軍得水則難擊也五樓馳進龍驤將軍
孟龍符領騎居前奔往爭之五樓乃退衆軍步
進有車四千兩分車爲兩翼方軌徐行車悉張
幔御者執矟又以輕騎爲遊軍軍令嚴肅行

伍齊整未及臨朐數里賊鐵騎萬餘前後交至
公命兗州刺史劉藩弟并州刺史道憐諮議
參軍劉敬宣陶延壽參軍劉懷玉慎仲道索邈
等齊力擊之日向昊公遣諮議參軍檀韶直趨
臨朐詔率建威將軍向彌參軍胡藩馳往即
日陷城斬其牙旗悉虜超輜重超聞臨朐已拔引衆
走公親鼓之賊乃大奔超遁還廣固獲超馬僞
輦玉璽豹尾等送于京師斬其大將段暉等
十餘人其餘斬獲千計明日大軍進廣固即屠

大城超退保小城於是設長圍守之圍高三丈
外穿三重瀝停江淮轉輸館穀於齊土撫納
降附華戎歡悅援才授爵因而任之七月詔加
公北青冀二州刺史超大將墮遵弟苗並率
衆歸順公方治攻具城上人曰汝不得張綱何
能爲也綱者超僞尚書郎其人有巧思會超
遣綱稱藩於姚興乞師請救興僞許之而實憚
公不敢遣綱從長安還泰山太守申宣執送之
乃升綱於樓上以示城內城內莫不失色於是

使綱大治攻具超求救不獲綱反覓虜轉憂懼乃請稱藩求割大峴爲界獻馬千疋不聽圍之轉急河北居民荷戈負糧至者日以千數錄事參軍劉穆之有經略才具公以爲謀主動止必諮焉時姚興遣使告公云慕容見與隣好又以窮告急今當遣鐵騎十萬逕據洛陽晉軍若不退者便當遣鐵騎長驅而進公呼興使答曰語汝姚興我定燕之後息甲三年當平關洛今能自送便可速來穆之聞有羌使馳入而

公發遣已去以興所言并荅真語穆之穆之尤
公曰常日事無大小必賜與謀之此宜善詳之
云何卒爾便荅公所荅興言未能威敵正足怒
彼耳若燕未可拔羌救奄至不審何以待之公
笑曰此是兵機非卿所解故不語耳夫兵貴神
速彼若審能遣救必畏我知寧容先遣信命此
是其見我伐燕內已懷懼自張之辭耳九月進
公太尉中書監固讓偽徐州刺史段宏先奔索虜
十月河東歸順張綱治攻具成設諸竒巧飛樓木

慢之屬莫不畢備城上火石弓矢無所用之六
年二月丁亥屠廣固超踰城走征虜賊曹喬胥
獲之殺其亡命以下納口萬餘馬二千疋送超京
師斬于建康市公之北伐也徐道覆仍有闢闔
之志勸盧循乘虛而出循不從道覆乃至番禺
說循曰本住嶺外豈以理極於此正以劉公難
與爲敵故也今方領兵堅城之下未有旋日以
此思歸死士掩襲何剴之徒如反掌耳不乘此
機而保一日之安若平齊之後小息甲養衆不

過一二年間必璽書徵君若劉公自率衆至豫
章遣銳師過嶺雖復將軍神武恐必不能當
也今日之機萬不可失既剋都邑傾其根本劉
公雖還無能爲也循從之乃率衆過嶺是月
寇南康廬陵豫章諸郡守皆委任奔走于時
平齊問未至即馳使徵公公之初剋齊也欲停
鎮下邳清盪河洛旣而被徵使至即日班師鎮
南將軍何無忌與徐道覆戰于豫章敗績無忌
被害內外震駭朝廷欲奉乘輿北走就公尋知

賊定未至人情小安公至下邳以船運輜重自率精銳步歸至山陽聞無忌被害則慮京邑失守乃卷甲兼行與數十人至淮上問行旅以朝廷消息人曰賊尚未至劉公若還便無所憂也公大喜單船過江逕至京口衆乃大安四月癸未公至京師解嚴息甲撫軍將軍劉毅抗表南征公與毅書曰五臣往習擊妖賊曉其變態新獲斬利其鋒不可輕宜須裝嚴畢與弟同舉又遣毅從弟藩往止之毅不從舟師二萬發

自姑孰循之初下也使道覆向尋陽自寇湘中
諸郡荊州刺史道規遣軍至長沙爲循所敗逕
至巴陵將向江陵道覆聞毅上馳使報循曰毅
兵衆甚盛成敗事係之於此空并力摧之若此
克捷天下無復事矣根本旣定不憂上面不平
也循即日發巴陵與道覆連旗而下別有八艚
艦九枚起四層高十二丈公以南藩覆沒表送
章綏詔不聽五月劉毅敗績于桑落洲棄船步
走餘衆不得去者皆爲賊所擒初循至尋陽聞

公已還不信也既破毅乃審凱入之間竝相視失色循欲退還尋陽進平江陵據二州以抗朝廷道覆謂宜乘勝徑進固爭之疑議多日乃見從毅敗問至内外洶擾于時北師始還多創痍疾病京師戰士不盈數千賊旣破江豫二鎮戰士十餘萬舟車百里不絕奔敗還者竝聲其雄盛孟昶諸葛長民懼寇漸逼欲攤天子過江公不聽昶固請不止公曰今重鎮外傾彊寇內逼人情危駭莫有固志若一旦遷動便自瓦解土

崩江北亦豈可得至設令得至不過延日月耳
今兵士雖少自足以一戰若其克濟則臣主同
休苟厄運必至我當以死衛社稷橫尸廟門遂
其由來以身許國之志不能遠竄於草間求活
也我計決矣卿勿復言袒恐其不濟乃爲表曰
臣諱北討衆竝不同唯臣贊諱行計致使彊賊
乘閒社稷危逼臣之臯也今謹引分以謝天下
封表畢乃仰藥而死於是大開賞募投身赴義
者一同京城之科發居民治石頭城建牙誠

嚴時議者謂宜分兵守諸津要公以爲賊衆我寡若分兵屯則測人虛實且一處失利則沮三軍之心今聚衆石頭隨宜應赴既令賊無以測多少又於衆力不分若徒旅轉集徐更論之耳移屯石頭乃柵淮斷查浦旣而羣賊大至公策之曰賊若於新亭直進其鋒不可當宜且回避勝負之事未可量也若回泊西岸此成擒耳道覆欲自新亭白石焚舟而上循多疑少決每欲以萬全爲慮謂道覆曰大軍未至孟昶便望風

自裁大勢言之自當計日潰亂今決勝負於一
朝既非必定之道且殺傷士卒不如按兵待之
公于時登石頭城以望循軍初見引向新亭公
顧左右失色既而回泊蔡洲道覆猶欲上循禁
之自是衆軍轉集脩治越城築查浦藥園廷尉
三壘皆守以實衆冠軍將軍劉敬宣屯北郊輔
國將軍孟懷玉屯丹陽郡西建武將軍王仲德
屯越城廣武將軍劉默屯建陽門外使寧朔將
軍索遜領鮮卑具裝虎班突騎千餘匹皆被練

五色自淮北至于新亭賊並聚觀咸畏憚之然猶冀京邑及三吳有應之者遣十餘艦來拔石頭柵公命神弩射之發輒摧陷循乃止不復攻柵設伏兵於南岸使羸老悉乘舟艦向白石公憂其從白石步上乃率劉毅諸葛長民北出拒之留參軍徐赤特戍南岸命堅守勿動公旣去賊焚查浦步上赤特軍戰敗死沒有百餘人赤特棄餘衆單舸濟淮賊遂率數萬屯丹陽郡公率諸軍馳歸衆憂賊過咸謂公當徑還拒戰公

先分軍還石頭衆莫之曉解甲息士洗浴飲食
之乃出列陳於南塘以赤特違處分斬之命參
軍諸葛叔度朱齡石率勁勇千餘人過淮羣賊
數千皆長刀矛鋌精甲曜日奮躍爭進齡石所
領多鮮卑善步稍竝結陳以待之賊短兵弗能
抗死傷者數百人乃退走會日暮衆亦歸劉裕
之敗豫州主簿袁興國反叛據歷陽以應賊琅
邪內史魏順之遣將謝寶討斬之興國司馬襲
寶順之不救而退公怒斬之順之詠之之弟也

於是功臣震攝莫敢不用命六月更授公太尉
中書監加黃鉞受黃鉞餘固辭以司馬庾悅爲
建威將軍江州刺史自東陽出豫章七月庚申
羣賊自蔡洲南走還屯尋陽遣輔國將軍王仲
德廣川太守劉鍾河間太守蒯恩追之公還東
府大治水軍皆大艦重樓高者十餘丈盧循遣
其大將荀林寇江陵桓謙先於江陵奔羌又
自羌入蜀僞主譙縱以爲荊州刺史謙及
譙道福率軍二萬出寇江陵適與林會相去

百餘里荊州刺史道規斬謙于枝江破林於江
津追至竹町斬之初循之走也公知其必寇江
陵登遣淮陵內史索邈領馬軍步道援荊州
又遣建威將軍孫季高率衆三千自海道襲
番禺江州刺史庾悅至五畝嶠賊遣千餘人據
斷嶠道悅前驅鄱陽太守虞丘進攻破之公
治兵大辦十月率兗州刺史劉藩寧朔將軍檀
韶等舟師南伐以後將軍劉毅監太尉留守府
後事皆委焉是月徐道覆率衆三萬寇江陵

荊州刺史道規又大破之斬首萬餘級道覆走還益口初公之遣索邈也邈在道爲賊所斷道覆敗後方達自循東下江陵斷絕京邑之間傳者皆云已沒及邈至方知循走循初自蔡洲南走留其親黨范崇民五千人高艦百餘戍南陵王仲德等聞大軍且至乃進攻之十一月大破崇民軍焚其舟艦收其散卒循廣州守兵不以海道爲防是月建威將軍孫季高乘海奄至而城池峻整兵猶數千季高焚賊舟艦悉

力而上四面攻之即日屠其城循父以輕舟奔
始興季高撫其舊民戮其親黨勒兵謹守初
公之遣季高也衆咸以海道艱遠必至爲難
且分徹見力二三非要公不從勑季高曰大軍
十二月之交必破妖虜卿今時當至廣州傾其
巢窟令賊奔走之日無所歸投季高受命而
行如期剋捷循方治兵旅舟艦設諸攻備公欲
御以長筭乃屯軍雷池賊揚聲不攻雷池當
乘流逕下公知其欲戰且慮賊戰敗或於京江

入海遣王仲德以水艦二百於吉陽下斷之十
二月循道覆率衆數萬方艦而下前後相抗
莫見舳艤之際公悉出輕利鬪艦躬提幡鼓
命衆軍齊力擊之又上步騎於西岸右軍參
軍庾樂生乘艦不進斬而徇之於是衆軍竝踊
騰爭先軍中多萬鈞神弩所至莫不摧陷公
中流蹙之因風水之勢賊艦悉泊西岸上軍先
備火具乃投火焚之煙燭張天賊衆大敗追奔
至夜乃歸循等還尋陽初分遣步軍莫不疑

憤及燒賊艦衆乃悅服召王仲德請還爲前驅
留輔國將軍孟懷玉守雷池循聞大軍上欲走
向豫章乃悉力柵斷左里大軍至左里將戰
公所執麾竿折幡沈水衆竝恠懼公歡笑曰往
年覆舟之戰幡竿亦折今者復然賊必破矣
即攻柵而進循兵雖殊死戰弗能禁諸軍乘
勝奔之循單舸走所殺及投水死凡萬餘人納
其降附宥其逼略遣劉藩孟懷玉輕軍追之
循收散卒尚有數千人逕還廣州道覆還保

始興公旋自左里天子遣侍中黃門勞師于
行所

本紀第一

宋書

卷一

本紀第二

卷二

武帝中

七年正月己未振旅于京師改授大將軍揚州
牧給班劍二十人本官悉如故固辭兄南北征伐
戰亡者並列上賄贈尸喪未反遣王師迎接致
還本土三月盧循至番禺爲孫季高所破收餘
衆南走劉藩孟懷玉斬徐道覆于始興晉自中
興以來治綱大弛權門并兼彊弱相凌百姓流

離不得保其產業相玄頗欲釐改竟不能行公
既作輔大示軌則豪彊肅然遠近知禁至是會
稽餘姚虞亮復藏匿妄命千餘人公誅亮免會
稽內史司馬休之天子又申前命公固辭於是
改授太尉中書監乃受命奉送黃鉞解冀州交
州刺史杜慧度斬盧循傳首京師先是諸州郡
所遣秀才孝廉多非其人公表天子申明舊制
依舊策試征西將軍荊州刺史道規疾患求歸
八年四月改授豫州刺史以後將軍豫州刺

史劉毅代之毅與公俱舉大義興復晉室自謂
京城廣陵功業足以相抗雖權事推公而心不
服也毅既有雄才大志厚自矜許朝士素望者
多歸之與尚書僕射謝混丹陽尹郗僧施竝
深相結及西鎮江陵豫州舊府多割以自隨請
僧施爲南蠻校尉旣知毅不能居下終爲異
端密圖之毅至西稱疾篤表求從弟兗州刺史
藩以爲副貳僞許焉九月藩入朝公命收藩及
謝混竝於獄賜死自表討毅又假黃鉞率諸軍

西征以前鎮軍將軍司馬休之爲平西將軍荊州刺史兗州刺史道憐鎮丹徒豫州刺史諸葛長民監太尉留府事加太尉司馬丹陽尹劉穆之建威將軍配以實力壬午發自京師遣參軍王鎮惡龍驤將軍蒯恩前襲江陵十月鎮惡剋江陵毅及黨與皆伏誅十一月己卯公至江陵下書曰夫弘弊拯民必存簡恕捨網脩綱雖煩易理江荆周殘刑政多闕頃年事故綏撫未過遂令百姓疲匱歲月滋甚財傷役困慮不幸生

凋殘之餘而不減舊額剥徵求不循政道宰蒞
之司或非良榦未能菲躬儉苟求盈給積習生
常漸不知改近因戎役來涉二州踐境親民愈
見其瘼思欲振其所急卹其所苦凡租稅調役
悉空以見戶爲正州郡縣屯田池塞諸非軍國
所資利入守宰者今一切除之州郡縣吏皆依
尚書定制實戶置臺調癸卯梓材庚子皮毛可
悉停省別量所出巴陵均折度支依舊兵運原
五歲刑已下凡所質錄賊家餘口亦悉原放以

荊州十郡爲湘州公乃進督以西陽太守朱齡
石爲益州刺史率衆伐蜀進公太傅揚州牧加
羽葆鼓吹班劍二十人九年二月乙丑公至自
江陵初諸葛長民貪淫驕橫爲士民所患苦公
以其同大義優容之劉毅旣誅長民謂所親曰
昔年醢彭越今年誅韓信禍其至矣將謀作亂
公克期至京邑而每淹留不進公卿以下頻日
奉候於新亭長民亦驟出旣而公輕舟密至已
還東府矣長民到門引前郤人閑語凡平生於

長民所不盡者皆與及之長民甚說已密命左右壯士丁旿等自幔後出於坐拉焉長民墜牀又於地歐之死於牀側輿尸付廷尉并誅其弟黎民旿驍勇有氣力時人爲之語曰勿跋扈付丁旿先是山湖川澤皆爲豪彊所專小民薪採漁釣皆責稅直至是禁斷之時民居未一公表曰臣聞先王制治九土攸序分境畫彊各安其居在昔盛世人無遷業故井田之制三代以降秦革斯政漢遂不改富彊兼并於是爲弊然九

服弗擾所託成舊在漢西京大遷田景之族以
實關中即以三輔爲鄉閭不復係之於齊楚自
永嘉播越爰託淮海朝有匡復之筭民懷思本
之心經略之圖日不暇給是以寧民綏治猶有
未遑及至大司馬桓溫以民無定本傷治爲深
庚戌土斷以其業于時財阜國豐實由於此
自茲迄今彌歷年載盡一之制漸用穢弛雜居
流寓間伍弗脩王化所以未純民瘼所以猶在
臣荷重任恥責實深自非改調解張無以濟

治夫人情滯常難與慮始所謂父母之邦以爲
桑梓者誠以生焉終焉敬愛所託耳今所居累
世墳壟成行敬恭之誠豈不與事而至請準庚
戌土斷之科庶子本所弘稍與事著然後率之
以仁義鼓之以威武超大江而跨黃河撫九州
而復舊土則戀本之志乃速由於當年在始暫
勤要終所以能易伏惟陛下垂矜萬民憐其所
失永懷鴻鴈之詩思隆中興之業既委臣以國
重期臣以寧濟若所啓令允請付外施行於是

嘉
卷之二十一
五
依界土斷唯徐兗青三州居晉陵者不在斷例
諸流寓郡縣多被併省以公領鎮西將軍豫州
刺史公固讓太傅州牧及班劍奉還黃鉞七月
朱齡石平蜀斬僞蜀王譙縱傳首京師九月封
公次子義真爲桂陽縣公以賞平齊及定盧循
也天子重申前命授公太傅揚州牧加羽葆鼓吹
吹班劍二十人將吏百餘敦勸乃受羽葆鼓吹
班劍餘固辭十年息民簡役築東府起府舍平
西將軍荊州刺史司馬休之宗室之重又得江

漢人心公疑其有異志而伏之兄子譙王叡思在京師招集輕俠公執文思送還休之今自爲其所休之表廢文思并與公書陳謝十一年正月公收休之子文寶兄子文祖竝於獄賜死率衆軍西討復加黃鉞領荊州刺史辛巳發京師以中軍將軍道憐監留府事休之上表自陳曰臣聞運不常一治亂代有陽九既謝圯終則泰昔箕臣肆逆皇綱絕紐十世未改鼎祚再隆太尉臣諱威武明斷首建義旗除蕩元凶皇居反正

布衣匹夫匡復社稷南剿廬循女定廣固千載以來功無與等由是四海歸美朝野推崇既位窮台牧權傾人主不能以道處功恃寵驕益自以酬賞既極便情在無上刑戮逆濫政用暴苛問鼎之迹日彰人臣之禮頓缺陛下四時膳御觸事縣空宮省供奉十不一在皇后寢疾之際湯藥不周手與家書多所求告皆是朝士共所聞見莫不傷懷憤歎口不敢言前揚州刺史元顯第五息法興桓玄之疊逃遠於外王路旣開始

得歸本太傅之胤絕而復興凡在有懷誰不感
慶譁吞噬之心不避輕重以法興聰敏明慧必
爲民望所歸芳蘭既茂內懷憎惡乃妄扇異言
無罪即戮大司馬臣德文及王妃公主情計切
逼竝狼狽請命逆肆禍毒誓不矜許冤酷之痛
感動行路自以地卑位重荷恩崇大乃以庶孽
與德文嫡婚致茲非偶寔由威逼故衛將軍劉
毅右將軍劉藩前將軍諸葛長民尚書僕射謝
混南蠻校尉郗僧施或盛勸德胤令望在身皆

社稷輔弼協讚所寄無罪無辜一旦夷滅猜忍
之性終古所希臣自惟門戶衰破賴之獲存皇
家所重終古難匹是以公私歸馮事盡祗順再
授荊州輒苦陳告自以才弱位隆不宜久荷分
陝屢求解任必不見聽前經攜侍老母半家俱
西凡諸子姪悉留京輦臣兄子譙王文思雖年
少常人粗免咎悔性好交遊未知防遠羣醜交
構爲其風聲諱遂翦戮人士遠送文思臣順其
此旨表送章節請廢文思改襲大宗遺息文寶

送女東歸自謂推誠奉順理不過此豈意諱苞
藏禍心遂見討伐加惡文思構生罪釁羣小之
言遠近噂啗而臣純愚闇信必謂不然尋臣府
司馬張茂度狼狽東歸南平太守檀範之復以
此月三日委郡叛逆尋有審問東軍已上諱今
此舉非有怨憎正以臣王室之幹位居藩岳時
賢既盡唯臣獨存規以翦滅成其篡殺鎮北將
軍臣宗之青州刺史臣敬宣並是諱所深忌憚
欲以次除蕩然後傾移天日於事可易今荆雍

義徒不召而集子來之衆其會如林豈臣無德
所能綏致蓋七廟之靈理貫幽顯輒授文思振
武將軍南郡太守宗之子竟陵太守魯軌進號
輔國將軍臣今與宗之親御大衆出據江津案
甲抗威隨宜應趕今絳旗所指唯諱兄弟父子
而已須剋蕩寇逆尋續馳聞由臣輕弱致諱凌
橫上斬俯愧無以厝顏休之府錄事參軍韓延
之故吏也有幹用才能公未至江陵密使與之
書曰文思事源遠近所知去秋遣康之送還司

馬軍者推至公之極也而了不遜愧又無表疏
文思經正不反此是天地之不容吾受命西討
止其父子而已彼土僑舊爲所驅逼一無所問
往年郗僧施謝邵任集之等交構積歲專爲劉
毅謀主所以至此卿等諸人一時逼迫本無纖
釁吾慶懷期物自有由來今在近路正是諸人
歸身之路若大軍登道交鋒接刃蘭艾吾誠不
分故具示意并示同懷諸人延之報曰承親率
戎馬遠履西畿闔境士庶莫不惟駭何者莫知

師出之名故也今辱來疏始知以譙王前事良增歎息司馬平西體國忠貞歎愛待物當於古人中求耳以君公有匡復之勲家國蒙賴推德委誠母事詢仰譙王往以微事見効猶自表遜位況以大過而當嘿然邪但康之前言有所不盡故重使胡道誥白所懷道未及反已奏廢之所不盡者命耳推寄相與之懷正當如此有何不可便興兵戈自義旗秉權以來四方方伯誰敢不先相諮詢而逕表天子邪譙王爲宰相所

責文表廢之經正何歸袁使何因可謂欲加之罪其無辭乎劉諱足下海內之人誰不見足下此心而復欲欺誑國士天地所不容在彼不在此矣來示言處懷期物自有由來今伐人之君陷人以利真可謂處懷期物自有由來者矣劉藩死於閭闈之明諸葛薨於左右之手甘言詫方伯襲之以輕兵遂使席上靡款懷之士閭外無自信諸侯以是爲得筭良可恥也貴府將佐及朝廷賢德寄性命以過日心企太平久矣吾

誠鄙劣嘗聞道於君子以平西之至德寧可無
授命之臣乎未能自投虎口比迹郗任之徒明
矣假令天長喪亂九流渾濁當與臧洪遊於地
下不復多言公視書歎息以示諸佐曰事人當
如此三月軍次江陵初雍州刺史魯宗之常慮
不爲公所容與休之相結至是率其卒竟陵太
守軌會于江陵江夏太守劉虔之邀之軍敗見
殺公命彭城內史徐達之參軍王允之出江夏
口復爲軌所敗並沒時公軍泊馬頭即日率衆

軍濟江躬督諸將登岸莫不奮踊爭先休之衆
潁與軌等奔襄陽江陵平加領南蠻校尉將拜
值四廢日佐史鄭鮮之褚叔度王弘傅亮白遷
日不許下書曰此州積弊事故相仍民疲田蕪
杼軸空匱加以舊章垂昧事役頻苦童耄奪養
老稚服戎空戶從役或越縛應召每永懷民瘼
宵分忘寢誠立蠲除苛政弘茲簡惠庶令凋風
弊政與事而新寧一之化成於朞月荆鄖二州
西局蠻府吏及軍人年十二以還六十以上及

扶養孤幼單丁大艱悉仰遺之窮獨不能存者
給其長賑府州久勦將吏依勞金序并除今年
租稅四月公復率衆進討至襄陽休之奔羌天
子復重申前命授太傅揚州牧劍履上殿入朝
不趨贊拜不名加前部羽葆鼓吹置左右長史
司馬從事中郎四人封公第三子諱爲北彭城
縣公以中軍將軍道憐爲荊州刺史八月甲子
公至自江陵奉還黃鉞固辭太傅州牧前部羽
葆鼓吹其餘受命朝議以公道尊勲重不空復

施敬護軍旣加殊禮奏事不復稱名以世子爲
兗州刺史十二年正月詔公依舊辟士加領平
北將軍兗州刺史增都督南秦凡二十二州公
以平北文武寡少不安別置於是罷平北府以
軍大府以世子爲豫州刺史三月加公中外大
都督初公平齊仍有定關洛之意值盧循侵逼
故其事不諧荆雖旣平方謀外略會羌主姚興
死子泓立兄弟相殺關中擾亂公乃戒嚴北討
加領征西將軍司豫二州刺史以世子爲徐兗

二州刺史下書曰吾倡大義首自本州克復皇
祚遂建勳烈外夷勍敵內清姦軋皆邦人州黨
竭誠盡力之效也情若風霜義貫金石今當奉
辭西旆有事關河弱嗣叨蒙復忝今授情事纏
綿可謂深矣頃軍國務殷刑辟未息眷言懷之
能不多歎其犯臯繫五歲以還可一原遣文武
勞滿未蒙榮轉者便隨班序報公受中外都督
及司州竝辭大司馬琅邪王禮敬朝議從之公
欲以義聲懷遠奉琅邪王北伐五月羌僞黃門

侍郎尹沖率兄弟歸順又加公北雍州刺史前
部羽葆鼓吹增班劍爲四十人解中書監八月
丁巳率大衆發京師以世子爲中軍將軍監太
尉留府事尚書右僕射劉穆之爲左僕射領監
軍中軍二府軍司入居東府揔攝内外九月公
次于彭城加領徐州刺史先是遣冠軍將軍檀
道濟龍驤將軍王鎮惡步向許洛羌緣道屯守
皆望風降服僞兗州刺史韋華先據倉垣亦率
衆歸順公又遣北兗州刺史王仲德先以水軍

入河仲德破索虜於東郡涼城進平滑臺十月
衆軍至洛陽圍金墉泓弟僞平南將軍洸請降
送于京師脩復晉五陵置守衛天子詔曰夫嵩
岱配極則乾道增輝藩獄作屏則帝王成務是
以夏殷資昆彭之伯有周倚齊晉之輔鑒諸前
典儀形萬代翼治扶危靡不由此太尉公命世
天縱齊聖廣淵明燭四方道光宇宙爰自

初迪則投懃王國妖孽孔熾則功存社稷固以
四維是荷萬邦攸賴者矣暨桓玄僭逆傾蕩四

海公深秉大節靈武霆震弘濟朕躬再造王室
每惟勳德銘于厥心遂北清海岱南夷百越荆
雍稽服庸岷順軌剋黜方難式遏寇虐及阿衡
王猷班序內外仰興絕風傍嗣逸業秉禮以整
俗遵王以垂訓聲教遠被無思不洽爰暨木居
海處之首被髮彫題之長莫不忘其陋險九譯
來庭此蓋播諸徽策靡究其詳者也曩著永嘉
不綱諸夏幅裂終古帝居淪胥戎虜永言園陵
率土同慕公明發遐慨撫機電征親董疾伯稜

威致討旗旛首塗則八表響震偏師先路則多
壘雲徹舊都載清五陵復禮百城屈膝千落影
從自篇籍所載生民以來勲德懋功未有若此
之盛者也昔周呂佐叢聖之主因三分之形把
旄仗鉞一時指麾皆大啓壘宇跨州兼國其在
桓文方茲尤儉然亦顯被寵章光錫殊品況乃
獨絕百代顧邈前列者哉朕每弘鑒古訓思遵
令圓以公深秉沖挹用闕大禮天人引領于茲
歷載況今禹迹齊軌九隩同文司勲抗策普天

增佇遂公高挹大衍國章三靈眷屬朕實祗懼
便宜顯答羣望允崇盛典其進位相國揔百揆
揚州牧封十郡爲宋公備九錫之禮加璽綬遠遊
冠位在諸侯王上加相國綠緩綬策曰朕以寡
昧仰贊洪基夷羿乘輿蕩覆王室越在南鄙遷
于九江宗祀絕饗人神無位提挈羣凶寄命江
濱則我祖宗之業奄墮于地七百之祚翦焉旣
傾若涉淵海罔知攸濟天未絕晉誕育英輔振
厥施維再造區物興亡繼絕俾暨作明元勲至

德朕實賴焉今將授公典策其敬聽朕命乃者
桓玄肆僭滔天泯夏拔本塞源顛倒六位庶僚
俛眉四方莫卹公精貫朝日氣凌霄漢舊其靈
武大殲羣慝剋復皇邑奉帝歆神此公之節始
於勤王者也授律羣后泝流長驚薄伐崢嶸獻
捷南郢大憝折首羣迷畢夷三光旋采舊物反
正此又公之功也出藩入輔弘茲保弼阜財利
用繁殖生民編戶歲滋墪宇日啟導德明刑四
境有截此又公之功也鮮卑負衆僭盜三齊狼

噬冀青虔劉沂岱介恃遐阻仍爲邊毒公蒐乘
秣駟負入遠壘衝櫓四臨萬雉俱潰竊號之虜
顯戮司寇拓土三千申威龍漠此又公之功也
盧循妖凶伺隙五嶺乘虛肆逆侵覆江豫矜拂
寰內矢及王城朝野喪沮莫有固志家獻徙卜
之計國議遷都之規公乘轅南濟義形于色嶷
然內湛視嶮若夷據略運奇英謨不世狡寇窮
劙喪旗宵遁俾我畿甸拯於將墜此又公之功
也追奔逐北揚旛江濱偏旅浮海指目遄至番

禹之功俘級萬數左里之捷兔潰鳥散元凶遠
送傳首萬里海南肅清荒服來款此又公之功
也劉毅叛換負疊西夏凌上罔主志肆姦暴附
麗協黨扇蕩王畿公御軌以刑消之不日倉兕
電沂神兵風掃罪人斯得荆衡清晏此又公之功
也譙縱怙亂寇竊一隅王化阻闔三巴淪溺公
指命偏師授以良圖凌波浮湍致届井絡僭豎
伏鎮梁岷革偃此又公之功也馬休魯宗阻兵
內侮驅率二方連旗稱亂公投袂星言研其上

略江津之師勢踰風電迴旆汚川寔繁震懾二
叛奔逆荆雍來蘇立澤浸育溫風潛被此又公
之功也永嘉不競四夷擅華五都幅裂山陵幽
辱祖宗懷沒世之憤遺氓有匪風之思公遠齊
伊宰納隍之仁近同小白滅亡之恥鞠旅陳師
赫然大號分命羣帥北徇司充許鄭風靡輦洛
載清僞牧逆藩交臂請罪百年榛穢一朝掃濟
此又公之功也公有康宇內之勲重之以明德
爰初發迹則竒謨冠古雷擊彊妖則鋒無前對

聿寧東畿大造默首若乃草昧經綸化融於歲
計扶危靜亂道固於苞桑辯方正位納之軌度
蠲削煩苛較若畫一淳風美化盈塞宇宙是以
絕域獻琛遐夷納貢王略所宣九服率從雖文
命之東漸西被各繇之邁于種德何以尚茲朕
聞先王之宰世也庸勲尊賢建庶胙土襄以寵
章崇其徽物所以協輔皇家永隆藩屏故曲阜
光啓遂荒徐宅營丘表海四履有聞其在襄王
亦賴匡霸又命晉文備物光錫惟公道冠前烈

勲高振古而殊典未加朕甚憮焉今進授相國
銜之彭城沛蘭陵下邳淮陽山陽廣陵兗州
之高平魯泰山十郡封公爲宋公錫茲玄土苴
以白茅爰定爾居用建冢社昔晉鄭啓呂藩入作
卿士周邵保傅出揔二南內外之重公實兼之
命使持節太尉尚書左僕射晉寧縣五等男湛
授相國印綬宋公璽綬使持節兼司空散騎常
侍尚書陽遂鄉侯泰授宋公茅夫金虎符第一
至第十左竹使符第一至第十左相國位無不

摠禮絕朝班居常之名宜與事革其相國摠百
揆去錄尚書之號上送所假節侍中中外都督
太傅太尉印綬豫章公印策進揚州牧領征西
將軍司豫北徐雍州刺史如故公紀綱禮度萬
國是式乘介蹠方固有遷志是以錫公大輶戎
輶各一玄牡二駟公抑末敦本務農重積采蘩
寔躬稼穡惟阜是用錫公袞冕之服赤舄副焉
公閑邪納正移風改俗陶鈞品物如樂之和是
用錫公軒縣之樂六佾之舞公宣美王化導揚

休風華夷企踵遠人胥萃是用錫公朱戶以居
公官方任能網羅幽滯九臯辭野髦士盈朝是
用錫公納陛以登公當軸處中率下以義式遏
寇讎清除苛慝是用錫公虎賁之士三百人公
明罰恤刑庶獄詳允放命于紀罔有攸縱是用
錫公鉄鉞各一公龍驤鳳矯咫尺八紘括囊四
海折衝無外是用錫公彤弓一彤矢百盧弓十
盧矢千公溫恭孝思致虔禋祀忠肅之志儀刑
萬方是用錫公秬鬯一卣圭瓚副焉宋國置丞

相以下一遵舊儀欽哉其祗服往命茂對天休
簡恤庶邦敬敷顯德以終我高祖之嘉命置宋
國侍中黃門侍郎尚書左丞郎隨大使奉迎枹
罕虜乞佛熾槃遣使詣公求効力討羌拜西平
將軍河南公十三年正月公以舟師進討留彭
城公諱鎮彭城軍次留城經張良廟令曰夫盛
德不泯義在祀典微管之歎撫事彌深張子房
道亞黃中照隣殆庶風雲言感蔚爲帝師大拯
橫流夷項定漢固以參軌伊望冠德如仁若乃

神交圯上道契商洛顯晦之間竊然難究源流
淵浩莫測其端矣塗次舊沛佇駕留城靈廟荒
殘遺象陳昧撫迹懷人慨然永歎過大梁者或
佇想於夷門遊九原者亦流連於隨會可改構
棖桷脩飾丹青蘋蘩行潦以時致薦以紓懷古
之情用存不刊之烈天子追贈公祖爲太常父
爲左光祿大夫讓不受二月冠軍將軍檀道濟
等次潼關三月庚辰大軍入河索虜步騎十萬
營據河津公命諸軍濟河擊破之公至洛陽七

月至陝城龍驤將軍王鎮惡伐木爲舟自河浮
渭八月扶風太守沈田子大破姚泓於藍田王
鎮惡剋長安生擒泓九月公至長安長安豐塈
帑藏盈積公先收其彝器渾儀土圭之屬獻于
京師其餘珍寶珠玉以班賜將帥執送姚泓斬
于建康市謁漢高帝陵大會文武於未央殿十
月天子詔曰朕聞先王之莅天下也上則大寶
以尊德下則建侯以褒功是以成勲告就文命
有玄圭之錫四海來王姬旦饗龜蒙之封夫翼

聖宣績輔德弘猷禮窮元賓寵章希世況明保
沖昧獨運陶鈞者哉朕以不德遭家多難雲雷
作屯夷羿竊命失位京邑遂播蠻荆艱難卑約
制命凶醜相國宋公天縱睿聖命世應期誠貫
三靈大節宏發拯朕躬於巢幕迴靈命於已崩
固已道窮北面暉格八表者矣及外積全國之
勲內累戡黎之伐芟夷彊妖之始蘊崇姦猾之
源顯仁藏用之道六府孔脩之績莫不雲行雨
施能事必舉諒已方軌於三五不容於典策者

焉自永嘉喪師綿踰十紀五都分崩然正朔時
暨唯三秦懸隔未之暫賓至令羣虜襲亂淫名
三世資百二之易守恃函谷之可關廟筭韜略
不謀之日久矣公命世撫運闡曜威靈內研諸
侯之慮外致上天之罰故能倉兕甫訓則許鄭
風偃鉞未指則瀍洛霧披俾舊闕之陽復集
萬國之軫東京父老重覩司隸之章俾朕負扆
高拱而保大洪烈是用遠鑒前典延即羣謀敬
授殊錫光啟壇宇乘馬之制有陋舊章徽稱之

美未窮上爵豈足以顯報懋功允塞民望藩輔
王畿長轡六合者乎寔以公每秉謙德卑不可
踰難進之道以寵爲戚是故降損盛制且有後
命也自茲迄今洪勳彌劭稜威九河魏趙底服
迴轅崤潼連城冰泮遂長驅灞滻縣於龍門逆
虜姚泓係頸就擒百稔梗穢滌於崇朝祖宗遺
憤雪於一旦涉禹之迹方行天下至于海外罔
有不服功固萬世其寧惟永豈金石雅頌所能
讚揚寔可以告於神明勒銘嵩岱者已朕又聞

之周道方遠則鶩鶩鳴岐三南播德則麟騶呈瑞自公大號初發爰暨告成靈祥炳煥不可勝紀豈伊素雉遠至嘉禾近歸而已哉朕每仰鑒玄應俯察人謀進惟道勲退惟國典豈得遂公沖挹而久蘊盛策便宜敬行大禮允副幽顯之望其進宋公爵爲王以徐州之海陵東安北琅邪北東莞北東海北譙北梁豫州之汝南北潁川北南頓凡十郡益宋國其相國揚州牧領征西將軍司豫北徐雍四州刺史如故十一月前

將軍劉穆之卒以左司馬徐羨之代掌留任大事皆所決於穆之者皆悉以諮公欲息駕長安經略趙魏會穆之卒乃歸十二月庚子發自長安以桂陽公義眞爲安西將軍雍州刺史留腹心將佐以輔之閏月公自洛入河開汴渠以歸十四年正月壬戌公至彭城解嚴息甲以輔國將軍劉遵考爲兗州刺史領河東太守鎮蒲坂公解司州領徐冀二州刺史固讓進爵六月受相國宋公九錫之命令曰孤以寡薄負荷殊重

守位奉藩危溢是懼朝恩隆泰委美推功遂方
軌齊晉擬議典雖亮誠守分十稔于今而成
命弗迴百辟胥暨內外庶僚敷免周至籍運來
之功參休明之迹乘菲薄之資同盛德之事監
察永言未知攸託隆祚之始思覃斯慶其赦國
內殊死以下今月二十三日昧爽以前悉皆原
宥鰥寡孤獨不能自存者人賜粟五斛府州刑
罪亦同蕩然其餘詳依舊準詔崇豫章公大夫
人爲宋公太妃世子中軍將軍副貳相國府以

太尉軍諮祭酒孔季恭爲宋國尚書令青州刺
史檀祗爲領軍將軍相國左長史王弘爲尚書
僕射其餘百官悉依天朝之制又詔宋國所封
十郡之外悉得除用先是安西中兵參軍沈由
子殺安西司馬王鎮惡諸將軍復殺安西長史
王脩關中亂十月公遣右將軍朱齡石代安西
將軍桂陽公義真爲雍州刺史義真既還爲佛
佛虜所追大敗僅以身免諸將帥及齡石並沒
領軍檀祗卒以中軍司馬檀道濟爲中領軍十

二月天子崩大司馬琅邪王即帝位

元熙元年正月詔遣大使徵公入輔又申前命
進公爵爲王以徐州之海陵東海北譙北梁豫
州之新蔡兗州之北陳留司州之陳郡汝南潁
川滎陽十郡增宋國七月乃受命赦國內五歲
刑以下遷都壽陽以尚書劉懷慎爲其徐州刺
史鎮彭城九月解揚州十二月天子命王冕十
有二旒建天子旌旗出警入蹕乘金根車駕六
馬備五時副車置旄頭雲罕樂舞八佾設鍾虛

宮縣進王太妃爲太后王妃爲王后世子爲太子王子王孫爵命之號一如舊儀

二年四月衛王入輔六月至京師晉帝禪位于王詔曰夫天造草昧樹之司牧所以陶鈞三極統天施化故大道之行選賢與能隆替無常期禪代非一族貫之百王由來尚矣晉道陵遲仍世多故爰暨元興禍難既積至三光賀位冠履易所安皇播越宗祀墮泯則我宣元之祚永墮于地顧瞻區域翦翦焉已傾相國宋王天縱聖德

靈武秀世一匡頽運再造區夏固以興滅繼絕
舟航淪溺矣若夫仰在璿璣旁穆七政薄伐不
庭開復壇宇遂乃三俘僞主開滌五都雕顏卉
服之鄉龍荒朔漠之長莫不迴首朝陽沐浴玄
澤故四靈効瑞川岳啓圖嘉祥雜還休應炳著
玄象表革命之期華裔注樂推之願代德之符
著乎幽顯瞻焉爰止允集明哲夫豈延康有歸
咸熙告謝而已哉昔火德旣微魏祖底績黃運
不競三后肆勤故天之曆數寔有攸在朕雖庸

闇昧於大道永鑒廢興爲日已久念四代之高
義稽夫人之至望予其遜位別宮歸禪于宋一依
唐虞漢魏故事詔草既成送呈天子使畫之天子
即便操筆謂左右曰桓玄之時天命已改重爲
劉公所延將二十載今日之事本所甘心甲子
策曰咎爾宋王夫玄古權輿悠哉邈矣其詳靡
得而聞爰自書契降逮三五莫不以上聖君四
海止戈定大業然則帝王者宰物之通器君道
者天下之至公昔在上葉深鑒茲道是以天祿

既終唐虞弗得傳其嗣符命來格舜禹不獲全
其謙所以經緯三才澄序彝化作範振古垂風
萬葉莫尚於茲自是厥後歷代彌劭漢旣嗣德
於放勛魏亦方軌於重華諒以協謀乎人鬼而
以百姓爲心者也昔我祖宗欽明辰居其極而
明晦代序盈虧有期翦商兆禍非唯一世曾是
弗剋矧伊在今天之所廢有自來矣惟王體上
聖之姿苞二儀之德明齊日月道合四時乃者
社稷傾覆王拯而存之中原蕪梗又濟而復之

自負固不實于紀放命肆逆滔天竊據萬里靡
不潤之以風雨震之以雷霆九伐之道既敷八
法之化自理豈伊博施於民濟斯黔庶固以義
洽四海道威八荒者矣至於上天垂象四靈效
徵圖讖之文旣明人神之望已改百工歌於朝
庶民頌于野億兆抃踊傾佇惟新自非百姓樂
推天命攸集豈伊在予所得獨專是用仰祗皇
靈俯順羣議敬禪神器授帝位于爾躬大胙告
窮天祿永終於戲王其允執其中敬遵典訓副

率土之嘉願恢洪業於無窮時膺休祐以答三
靈之眷望又璽書曰蓋聞天生蒸民樹之以君
帝皇寄世實公四海崇替係於勲德升降存乎
其人故有國必亡十年箸其數代謝無常聖哲
握其符昔在上世三聖係軌疇咨四嶽以弘揖
讓惟先王之有作永垂範於無窮及劉氏致禪
寔堯是法有魏告終亦憲茲典我世祖所以撫
歸運而順人事乘利見而定天保者也而道不
常泰戎夷亂華喪我洛食蹙國江表仍遘否運

淪波相因逮于元興遂傾宗祀幸賴神武光天
大節宏發匡復我社稷重造我國家惟王聖德
欽明則天光大應期誕載明保王室內紓國難
外播宏略誅大憝於漢陽逋僭盜於沂渚澄氛
西岷肅清南越再靜江湘拓定樊沔若乃永懷
區宇思一聲教王師首路則伊洛澄流稜威嶠
潼則華嶽塞靄僞首銜璧咸陽即序雖彝器所
銘詩書所詠肅勲之盛莫之與二也遂偃武脩
文誕敷德政八統以馭萬民九職以刑邦國思

兼三王以施四事故能信箸幽顯義感殊方自
歷世所賓舟車所暨靡不謳歌仁德抃舞來庭
朕每敬惟道勲永察符運天之曆數實在爾躬
是以五緯升度屢示除舊之迹三光協數必昭
布新之祥圖讖禎瑞皎然斯在加以龍顏英特
天授殊姿君人之表煥如日月傳稱惟天爲大
惟堯則之詩云有命自天命此文王夫或躍在
淵者終饗九五之位勲格天地者必膺大寶之
業昔土德告終傳胙于我有晉今曆運改卜永終

于茲亦以金德而傳于宋仰四代之休義鑒明
昏之定期詢于羣公爰逮庶尹咸曰休哉罔違
朕志今遣使持節兼太保散騎常侍光祿大夫
澹兼太尉尚書宣範奉皇帝璽綬受終之禮一
如唐虞漢魏故事王其允答人神君臨萬國時
膺靈祉酬于上天之眷命王奉表陳讓晉帝已
遜琅邪王第表不獲通於是陳留王度嗣等二
百七十人及宋臺羣臣竝上表勸進上猶不許
太史令駱達陳天文符瑞數十條羣臣又固請

王乃從之

本紀第二

宋書二

